

Umiarsualiveqarnermut oqartussaanerup ingerlanneqarnera pillugu Namminersornerullutik Oqartussat nalunaarutaat

Namminersornerullutik Oqartussat umiarsualiveqarfiutaannik sanaartorneq, aserfallatsaaliineq, ingerlatsineq il.il. pillugit Inatsisartut peqqussutaanni nr. 4-mi 29. oktober 1999-imeersumi § 4 tunngavigalugu makku aalajangersarneqarput:

§ 1. Umiarsualiveqarnermut qitiusumik oqartussaaneq Naalakkersuisut ingerlataarat.

Imm. 2. Umiarsualiveqarnermik najukkani ataasiakkaani oqartussaanermi suliasat ingerlanneqarnerat Naalakkersuisut piginnaatitsinerat malillugu pissaaq.

Imm. 3. Umiarsualiveqarnermut qitiusumik oqartussaausut najukkani ataasiakkaani oqartussaanermi suliasanik ingerlatsisunut ilitsersuinissaminnut piginnaatitaapput.

§ 2. Illoqarfiit Nanortallip, Qaqortup, Narsap, Paamiut, Nuup, Maniitsup, Sisimiut, Aasiaat, Qasigiannugit, Ilulissat, Uummannap, Upernaviup Tasiilallu umiarsualiviini umiarsualiveqarnermut oqartussaanermi suliasat Royal Arctic Line A/S-ip ingerlatarei.

Imm. 2. Illoqarfiit Kangaatsiap, Qeqertarsuup, Qaanaap, Ittoqqortoormiillu umiarsualiviini umiarsualiveqarnermut oqartussaanermi suliasat KNI Pilersuisoq A/S-ip ingerlatarei.

Imm. 3. Nunaqarfiit Narsarsuup Kangerlussuullu umiarsualiviini umiarsualiveqarnermut oqartussaanermi suliasat Mittarfeqarfiit ingerlataarat.

Imm. 4. Nunaqarfiit imm. 3-mi taaneqartut eqqaassanngikkaanni nunaqarfinni KNI Pilersuisoq A/S-ip sinniisuutitaqarfiini umiarsualivinni umiarsualiveqarnermut oqartussaanermi suliasat KNI Pilersuisoq A/S-imit aamma ingerlanneqarput.

§ 3. Nalunaarut ulloq 15. maj 2002 atuutilerpoq.

Namminersornerullutik Oqartussat, ulloq 14. maj 2002

Jørgen Wæver Johansen

/

Jens K. Lyberth

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut